



Project da fusiun en Val Alvra

Tenor il president communal Simon Willi datti clers avantatgs per Lantsch da restar sulets.

7



«Pass per pass» lectura ed impuls

En ses cudesch «Pass per pass» tracta l'autura Mirjam Pressler diversas facetas da l'adolescenza.

9

LA QUOTIDIANA

Redacziun: Via comerciala 22, 7007 Cuira, tel. 081 920 07 10, fax 081 920 07 15

Cumbel, in vitg e siu svilup

■ (anr/abc) Sco vischerna ha suverana ha ella existiu da 1853 tochen 2012. Dapi l'entschatta dil 2013 eis ella «mo» in vischinadi. Quei emporta denton buca zatgei, pertgei il Cudisch da Cumbel ch'ei gest sortius da stampa han ils auturs dedicau alla populaziun. Ils ins ein naschi ed han passentau l'entira veta en quei emprem vitg lumnezian dadens il portal da Porclas. Auters ein naschi e carsci si a Cumbel, han pli tard denton anflau paun e guldogn ordeifer. Cun sfegliar en quei cuisch emprend'ins d'enconuscher buca mo Cumbel. L'ovra ei in spieghel d'in tipic vitg grischun muntagnard. Biars ein emigrat, singulas famiglias ein immigradas ed han contribuiu al svilup. Il Cudisch da Cumbel ei ina lectura recreonta ed interesanta. El cumpletesta l'ovra che sur Felici Maisen haveva publicau ils 1983 davart la historia dalla pleiv. L'ovra cunteng inter-



Fronstispezi dalla nova publicaziun «Cumbel - alla porta dalla Lumnezia».

Foto Y. BÜRKLI

ressants fatgs davart veta e structuras el vitg dils Arpagaus, Caduffs, Elvedis, Collenberg e tschellas schlatteinas da Cumbel.

> PAGINA 2



Zernez as voul profilar eir sco paradis per velociclistas e velociclistas.

MAD

Tour de Suisse eir a Zernez

■ (anr/info) Als 15 giün cumainza l'ottavia etappa dal Tour de Suisse d'ingon a Zernez. Perturistikere responsabets da l'organizaziun da la cuorsa es la sfida gronda. Ma quella dess a la fin dals quints far dal bain a tuot la regiun. Bundant 150 velociclistas cumbattan in quist'occasiun per ragiundscher buns temps da cuorsa. Insemla cun lur accompagnants, rapreschantanats da mezs da massa, teknikers, etc. pernottaran circa 600 persu-

nas a Zernez ed i's contuorns. La sfida dad organizar la partenza da la cuorsa da l'ottavia etappa dal Tour de Suisse es tenor il president dal comitè d'organizaziun da quella, Flurin Bezzola da Zernez, gronda. «Grazcha a la buna reclama cha la regiun po però far cun organizar da quists evenimenti renda da far il pussibel per ragiundscher il meglder success pussibel», manaja'l.

> PAGINA 11

Servetsch d'abunents e da distribuziun: tel. 0844 226 226
mail: abo@suedostschweiz.ch



9 771424 749004

5.001.6

Impressaris badan la concurrenz

■ (anr/fa) Ingon han ils impressaris da fabrica in Engiadina Bassa e Val Müstair blera lavor. Sco cha l'impressari Roland Conrad infuormescha pon els far quint per part eir amo quist on chi vain ün grond volumen da fabrica. «Davo però daraja causa l'iniziativa da las segundas abitaziuns bainquant damain lavor», constata il president da la seziun Engiadina Bassa e Val Müstair. Quai cha'l impressaris da fabrica badan fingià uossa es la concurrenz dad impreisais da fabrica da l'Engiadina Ota: «Quellas firmas sun eir suot squitsch ed offrischan perquai eir in Engiadina Bassa. La concurrenz da l'ester, aint dals duos Tirols, invezza nun es fin uossa usch' gronda», disch Conrad.

> PAGINA 11

Via d'Engiadina serrada

■ (lq) La via da l'Engiadina tranter Ardez e Girsun ha stüi vegni serrada. En la regiun da Magna-cun èn vegnidias giu ier notg pliras bovas, quai fa l'uffizi da construziun bassa da savair. Serrada è la via mo per il traffic d'autos che vegin svià sur Guarda.

«Tschertgar ina via pragmatica»

La fracciun rumantscha dal cusseegl grond vegn a s'occupar dals medis d'instrucziun

DA FLURIN ANDRY / ANR

■ 90 pertschient dals uffants en scolas rumantschas duessan vegnir alfabetisads puspe en l'idiom. Per ch'il chantun possia accomplishir ses obligi ed edir questi medis d'instrucziun propona Jon Domenic Parolini da metter prioritads. «Ussa che la gronda part da las vischnancas rumantschas, 90 pertschient, èn turnadas tar l'idiom è il chantun oblige da finanziar quels medis d'instrucziun attractivs er en ils idioms», di Jon Domenic Parolini, il deputà e president da la fracciun rumantscha al cussegl grond.

Tenor el èsi da sa dumandar per tge ch'ins impundia ils medis finanzials che stattan a disposiziun per il mantegniment e la promozion dal rumantsch: «Il pli bler cuntschan ins cun promover la scola, alur ils medis da massa rumantschs, radio, televisiun e la pressa», di el, «ins sa però ch'i vegn translata en l'administraziun chantunala tut er en rumantsch.» A ses avis fissi qua forsa



Jon Domenic Parolini presidiescha la fracciun rumantscha al cussegl grond.

MAD

da metter prioritads: «Enstagl da far quai e translatar per part texts che vegnan legida propri mo d'ina pitschna minoritat dals Rumantschs pudessan ins impunder daplias ed era forzas

umanas per medis d'instrucziun attractivs.»

En occasiun da la sessiun da primavaira salva la fracciun rumantscha dal cussegl grond mar-dia a reguard ils medis d'instrucziun en ils idioms ed en rg.

nala. Da quella prenda part era cusseglier guvernativ Martin Jäger. El vegn ad orientar ils pre-schents davart la situaziun actua-la a reguard ils medis d'instrucziun en ils idioms ed en rg.

Cussegliaziun en stanza d'art

Art indigen ellas stanzas da cussegliaziun dalla Banca Raiffeisen Surselva

■ (anr/gv) Dacuort ha Gabriel Casutt detg en ina intervista cun l'anr ch'el vegli s'enga-schar dapli per la cultura su-enter ch'el seretili sco presi-dent dall'Uniu grischuna da skis il proxim zercladur. Il di-rectur dalla Banca Raiffeisen Surselva ha già entschiet quei engaschi. El ha presidia ina giuria das siat persunas che han

seleziunau dacuort nov ovras d'artists indigen. Quellas ovras embelleschan naven digl atun proxim las stanzas da sesida el niev baghetg dalla banca ella Via centrala a Glion. Las nov ovras ha la giuria eligiu da 27 ovras inoltradas sin invit el Fegl official dalla Surselva. Ils nov artists ein Christian Aubry, Yvonne Gienal, Fis Guldmann,

Sandro Hafner, Marina Lutz, Linard Nicolay, Gieri Schmed, Andreas Schmid ed Ursula Vincenz. La banca cumpra las ovras seleziunadas ed expona elllas diesch onns elllas stanzas dil baghetg niev. Quellas stanzas portan allura era il num digl arti-st.

> PAGINA 3



Il baghetg niev dalla Banca Raiffeisen Surselva ei aunc in plaz da baghe-giar. Quest atun vul la banca in-stallar la sedia principala en quei baghetg. Artists indigen embelleschen las stanzas da sesida e da cus-seglioziun.

Foto G. VENZIN

Art indigen per las stanzas da cussegliaziun

La Banca Raiffeisen Surselva numna las novas stanzas da cussegliaziun cul num d'artists indigens

DA GIUSEP VENZIN / ANR

Cun dus inserats el Fegl ufficial dalla Surselva ha la Banca Raiffeisen Surselva tschercau artists per embellir las stanzas da sesida e da cussegliaziun el baghet niev che la banca cun varga 7000 commembbers vul retrer igl october vegent. 42 artists han giavischau la documentazion della concurrenzia e 27 han inoltrau in project. En ina emprema sesida ha la giuria cul directur dalla banca *Gabriel Casutt* alla testa fatg ina preseleziun ed ella secunda sesida ha la giuria eligiu nov ovras. Quellas han *Christian Aubry* da Sevgenin, *Yvonne Gienal* da Glion, *Fis Guldmann* da Trun, *Sandro Hafner* da Schneaus, *Marina Lutz* da Rothenburg, *Linard Nicolay* da Rueun, *Gieri Schmed* da Trun, *Andreas Schmid* da Val ed *Ursula Vincenz* d'Andiast creaui. Ils proxims diesch onns ein lur ovras buca mo expoenidas en ina dallas stanzas da sesida dalla Banca Raiffeisen Surselva a Glion, las stanzas vegnan era numnadas cul num digl artist. La banca ha mess a disposiziun 40 000 francs per la realisaziun dil project. Cun quella summa vegnan las ovras dils artists cumpradas. Ei setracta d'ovras da different gener, maletgs e sculpturas en crap, fier e lenn. Ils artists ein era sefaschentai cul daner, culla materia principala dalla banca. Marina Lutz ha creaui ina seria da maletgs cullas sis bancnotes svizras. Ella descripziun da sia ovra numna l'artista il daner in bein abstract. La transformaziun dallas notas en pixel documenteschi il fatg ch'il daner daventi pli e pli in bein digital. Gia l'idea dalla bancnota seigi abstracta.

A tutz la medema schanza

Culla publicaziun dalla concurrenzia el fegl ufficial hagi la banca dau a tut ils artists la medema schanza, ha Gabriel Casutt puntuau tier ina presentaziun dallas ovras. La giuria secumponia da sia persuna, da treis personas digl intern dalla banca e da treis personas externas. In dils commembbers ei *Leo Cathomas*, il president dil cussegli della Banca Raiffeisen Surselva, in auter ei *Beat Stutzer*, igl anterier directur dil Museum d'art grischun a Cuera. L'incumbensa als artists ei descrettia en treis construziuns: «Igl ei previu da plazzar las ovras sco ovra singula ni sco gruppa ella stanza da sesida.



«Cussegli» senumna l'ovra en arschela dad Ursi Vincenz. L'artista d'Andiast ei ina da nov artists ch'embelleschan las stanzas da sesida e cussegliaziun el niev baghet dalla Banca Raiffeisen Surselva.

FOTO G. VENZIN

Las ovras duein esser finidas ch'ellas san vegnir tschentadas ni pendidas si. Ina applicaziun directa sillas preits ei buca giavischada.»

Tschentada vegn en scadin cass l'ovra «Mompé Medel 507» da Linard Nicolay. Igl artist da Bravuogn viva dapi igl onn 2005 a Rueun. Il bloc da scalegl selai descriver cun sempel e fascinont. Igl um da 47 onns ha frequentau l'Accademia di Belle Arti Carrara e Bologna ed il studi d'art en treis scolas a Paris. Igl artist ei enconuschents sur ils cunfins.

Seconcentraus sigl essenzial

Sco Linard Nicolay ei era Gieri Schmed da Trun seconcentraus sigl essenzial en sia seria da tschun reliefs en lenn fai che pendan en cuort ella stanze «Gieri Schmed» ella Via centrala a Glion. Igl artist renconschiu lai spazi al contemplader. Ils reliefs attiran l'attenziun, disturbant denton buca l'attenziun per autres fatschentias. Forsa ein ils reliefs per cussegliader e per il client era ina admoniziun.

Maletgs dallas muntognas en cumbi-

naziun culla sculptura «Il pastur da crap» ha Andreas Schmid da Val inoltrau per la concurrenzia. Omisduas ovras significheschan il cumbat dils Sursilvans el mund muntagnard. Igl artist ha documentau la vart ruha e la vart migieivla dallas muntognas, denton era la vart mistica.

«Giug dil vent» numna Christian Aubry sia ovra che vegn pazzada quest atun en ina dallas stanzas da cussegliaziun dalla Banca Raiffeisen Surselva. Ei setracta d'ina ovra en nov parts, ina ovra da structuras e surfatschas en cumbinaziun cun crap indigen. Igl artist ha perschadiu la giuria gia culla descripziun dall'ovra. El elegia il crap sin fundament dil material existent dalla stanza.

Mudest e direct

«Cussegli» numna Ursi Vincenz sia sculptura da tschun persunas en arschela sin lenn. L'artista ei mumma da quater affons. Avon varga 20 onns ha ella installau ad Andiast in atelier ed organisescha cuors da modellar. La dunna da 55 onns ha frequentau cuors alla Scola d'artisanadi Turitg ed alla Scola d'uler a Gordola.

Las sculpturas da Fis Guldman ein pazzadas alla Senda d'art spel Rein ed en bia auters loghens. «Ils dus saltunz» han era plaschiu alla giuria dalla Banca Raiffeisen Surselva. Igl artist da Trun drova in material ed ina fuorma fundamental a creeschia da quei las sculpturas.

Sandro Hafner ha creaui l'ovra «Slontsch repetitiv» per la concurrenzia dalla Banca Raiffeisen. Il crap ei sia sfida e consequentamein ha el era eligiu il crap per sia sculptura che ha incantau la giuria. Igl um da 33 onns ei naschius a Turitg e carschius si el Grischun. Dapi il 2002 posseda el in agen atelier a Schluein ed ei sescolaus avon quater onns ella construziun da mirs scherts ella Val Verzasca.

«Tgei fagein nus carstgauns culs danners» ei Yvonne Gienal sedumandada e creaui tschun maletgs che simbolisechan: spagnar, dar ora, purtar entuorn, splengheggiar ed investar. L'artista descriva sia ovra suandontamein: «Ils maletgs ein mudests e directs e tuttina fan els buca l'impressiun d'esser sempels. Ils maletgs reflecteschan cordialitat e facilitad.»

■ CUORS ROMONTSCH SURSILVAN INTENSIV

14–27 da fenadur
2013 a Laax

(cp) Il cuors romontsch (CR) sursilvan da 2013 vegn ad esser in arranschament per in e scadin che s'interessesta per il lungatg romontsch e sia cultura. Cun ses 10 livels da cumpetenzia, siu program accumpignont dalla sera, cun tut sias purschadas supplementaras e specialas por-scha el ina offerta multifara ed unica. Aunc mai ha il CR saviu offerir ina purschida talmein completa ed arrundada sco ils onns 2010–2012.

In bi tiem ei contonschius

Pedagogas e pedagogs specialisai ella filologgia instrueschan sils differenti livels. Al livel 8 B dattan ulteriuramein docents hospitonts preleczius e seminaris sin scalem universitar. Il cuors romontsch sursilvan ei era da grond avantatg per Romontschas e Romontschs che vulan perfecziunar lur lungatg mumma. Plinavon ei il CR era adattaus per scolaras e scolars che vulan sepreparar per examens d'admissiun a scolas cintuontas (scolas medias etc.).

Sper l'instrucziun duront il di organisin nus in program accumpignont che cumpiegia la cultura indigena. Il CR envira differentas referatas e divers referents indigen, mo era d'autro. Excursiuns ora ellas regiuns fan part da nostra intermediaziun culturala.

■ CASTRISCH

Credits per
aua e parcadiis

(anr/abc) La radunanza communal da margis sera a Castrisch ha eligiu duas commembres pil parlament dalla nova vischunaanca Glion/Ilanz. Naven digl 1. da schaner 2014 representant *Carmelia Maisen* e l'actuala president communal *Monica Häny* ils interess dil vischinadi da Castrisch.

Ultra da quei han ils presents approbau dus credits per investiziuns che la vischunaanca realisescha uonn. Ina summa da 135 000 francs ha la radunanza concediu per sanar las tschaffadas d'aua a Cadretsch. Ei setracta d'ina lavur ch'e necessaria per garantir la qualidat dall'aua che cuora ellas fontauna dil vitg.

La radunanza da Castrisch ha concediu in ulteriur credit en connex cull'aua: Per realisar la fasa treis dil concept general da deflussiun «gep» ha ella approbau in credit da 45 000 francs.

La finala han ils da Castrisch concludiu da scaffir parcadiis communals sigl areal dil luvratori communal. Per quei intent ha la radunanza communalia lubiu in credit da 123 000 francs. Cunquei sa la vischunaanca realisar avon uonn 20 parcadiis publics.

reclama

capricornreisen
GUT BERATEN, MEHR ERLEBEN.
VIA S. CLAU SURA 2, 7130 ILANZ, 081 920 03 23

Ilanzer Geschenkkarte
Freude schenken



L'Uniun da musica Sagogn a caschun dil concert preparativ a Valendau avon in'jamna.

FOTO A. BEELI

Sur la bitgetta da Stefan Roth e dil cornettist principal Michael Cadruvi han ils ver 30 musicants luvrav vid in program divergent, denton era zun pretensiun e tecnic. Sco punct culminont dalla sera musicala segnia segriramein il toc «Lake of the Moon» ni translatau libramein «lag dalla glina». Igl ei il toc d'elecziun, cul qual l'Uniun da musica Sagogn pren part sco ina dallas 76 musicas dalla fiesta cantunala a Cuera. Kevin Houben descriva en sia cumposiziun ina

veglia legenda. Il toc zun difficil tracta il viadi dils Aztecs naven da lur liug d'origin che schai in Sibiria ed ella Mongolia sur la Strengga da Bering tochen ell'America centrala. Tenor la legenda hagi lur Diu dil sullegli Huitzilopochli incaricau ils Aztecs da sefermar el liug nua ch'in tschess sesi sin in cactus cun ina siarp el bec e da fundar leu lur nova patria. Suenter viadis liungs e stentus hagien ils carstgauns finalmein contonschii la Val da Mexico. Amiez tala secattavi in lag d'aua da sal numnaus Texcoco cun enamiez in'insla da grep. Sin quell'insla hagien ils Aztecs anflau il cactus sil qual in tschess cun ina siarp el bec seseva. Aschia hagien els saviu ch'e stoppien ereger leu lur capitala ch'e han numnaus Tenochtitlan, tgei che munta ton sco «nua ch'il cactus crescha sin in grep». En quei liug sesanfla oz il marcau da Mexico City.

Quei tema ha surviu a Kevin Houben

sco fontauna d'inspiraziun per sia cumposiziun «Lake of the Moon». Quell'ovra

cuntegn fragments da musica orientala sco

era ritmus sidamericans. Igl prighels ch'ein

cumpari als Aztecs duront lur liung viadi

s'expriman el toc entras tuns smanat-

schonts e prigulus. Egl Adagio divoto mei-

na il cumponist igl auditori entuorn il lag da Texcoco, tgei che munta el lungatg Aztec «lag dalla glina» ni «Lake of the Moon». Ella davoss part dil toc da fiesta descriva Houben la legria dils Aztecs cura ch'eis havaevan finalmein contonschii lur finamira ed han saviu entscheiver a sviluppar lur nova civilisaziun.

Cul marsch «Arnhem» che vegn presen-taus ella secunda part dil concert pren l'Uniun da musica Sagogn part dalla concurrenzia da marschar a Cuera. Il tierz toc da concurrenzia, il toc da pensum, ha buc anflau plaz il program da concert, cunquei che tal vegn publicaus pér entgins jamnas avon la fiesta. Il toc da pensum per la tierza categoria, «Antruras» dil cumponist indigen *Gion Andrea Casanova* da Laax, vegn aschia ad esser tema principal e vegn a caschunar entgins tgas cotschens ellas emprovas denter il concert annual e la fiesta cantunala da musica a Cuera.

Il concert dall'Uniun da musica Sagogn ha liug la sonda, ils 20-4 allas 20.00 e dumengia, ils 21-4-2013 allas 17.00, mintgamai ella halla plurivalenta a Sagogn. La sonda suenter concert ei ustria.

Giuanna Beeli